

卷之四

大唐開元占經卷第五十二

太白占八

太白犯石氏外官一

太白犯庫樓一

郝萌曰太白入庫樓三日兵起尤甚一日兵起西北

廿方若舍之三十日諸侯兵悉發大將出

王曆曰太白守庫樓兵起將軍出車騎滿野

太白犯南門二

石氏曰太白犯守南門邊吏兵起道路不通武臣恐

太白犯平星三

石氏曰太白犯平星凶

文曜鉤曰太白歷平星主命傾

甘氏曰太白守平星執政臣憂有罪誅有廢黜年期

太白犯騎官四

甘氏曰太白犯守騎官有兵起車騎大發馬多死

石氏曰太白入騎官若守之兵大起將軍出騎士憂

鄒萌曰太白入守騎官不出二十故天下

太白犯積卒五

石氏曰太白入積卒若守之兵大起士卒大行若多

死期二年

玄冥占曰太白犯守積卒主失位天下乱兵大起期

百二十日

太白犯驚星六

黃帝占曰太白守驚星為有白衣之會

巫氏曰太白犯守驚星天下有水旱之灾守陽則旱

守陰則水

太白犯九坎七

石氏曰太白守九坎天下旱名水不流五穀不登人
民大饑一日行陽旱行陰大水又犯守者大凶

太白犯敗曰八

石氏曰太白守敗曰民不安其室其釜甑若流移去
其鄉

太白犯羽林九

郝萌曰太白入羽林為有反臣中兵也

黃帝曰太白守羽林兵起期六十日

石氏曰太白入守羽林為有行期三十日

甄曜度曰太白入守羽林兵大起大將軍出行臣謀

其主若有喪期二年

海中占曰太白入守羽林有兵起若逆行變色成勾

紀天下大兵閉梁不通不其年

荊州占曰太白入天軍大將在外

石氏曰太白入天軍中為兵起一日入天軍留守若

色逆行成勾紀為兵急起

郝萌曰太白犯天軍為兵起有破軍死將

又曰太白入天壘天下有兵期二十日遠百二十

石氏曰太白入守天壘壁陣天下大兵起左右幸臣
為亂期四十日若百二十日

太白犯北落師門十

石氏曰太白入守北落亦為兵大合軍門

海中占曰太白守北落天下有兵夷狄入塞未侵中

國將士出

石氏曰太白與北落相貫抵觸有光芒相及為兵戰
覆軍殺將伏尸流血不可當期百八十日遠一年

太白犯土司空十一

聖治符曰太白守土司空邦若有死者

海中占曰太白守土司空其國以土起兵若有土功

之事天下旱

石氏曰太白守土司空有兵喪天下憂有水

太白犯天倉十二

黃帝占曰太白入天倉中主財寶出亂臣人主憂在

內天下有兵而倉庫之戶但開主人勝客事不成

期二十日而發

荆州占曰太白守天倉天下饑粟出

齊伯曰太白守天倉諸侯有乏粟之事有兵起星若當戶守之將受命不為主用

石氏曰太白入守天倉有兵起食粟散出一日年穀不登人民饑

郝萌曰太白中犯乘守天倉四夷人相食期三年兵起四方

太白犯天圍十三

石氏曰太白犯入天圍天下兵起天倉儲積之物發

用一曰御物多有出者庫藏空虛期二年

海中占曰太白入天圍天下兵起諸侯謀天倉庫藏有破者

宋書天文志曰晉孝武大元二年四月壬申太白入天圍占曰為饑隆安元年王莽舉兵脅朝廷內外戒嚴王國寶以謝之又水旱民饑

太白犯天廩十四

石氏曰太白守天廩天下大飢
甘氏曰太白入守天廩天下有兵歲大饑倉粟散不

出其年

玉曆曰太白入守天廩兵起滿野天下粟出給軍糧

一曰糴貴

石氏曰太白犯守天廩天下亂粟散出

太白犯天苑十五

荊州占曰太白入天苑出兵征外夷

玄冥占曰太白入守天苑邊境兵起王者出兵征外

夷天下馬死

荊州占曰太白守天苑兵起馬死

石氏曰太白入守天苑牛羊禽獸多疾疫若守之二

十日天下兵起馬多死其國憂

按班固天文志曰漢孝武元鼎五年太白入天苑

占曰將以為兵起也一曰馬將以軍而死耗其後

以天馬誅大苑馬大死千軍

太白犯參旗十六

文曜鉤曰太白守參旗九州騷動天下皆兵弓不下

弦矢不捨扣其國王者有憂

海中占曰太白守參旗兵大起弓弩大用大將出人

主憂兮矢貴

太白犯玉井十七

黃帝占曰太白入玉井為強國失地其出之強國得

地

巫咸曰太白入玉井國有水憂或以水敗水物不成

期不出年

感精符曰太白入守玉井水兵大起若以水為變魚

鹽十倍

太白犯屏星十八

甘氏曰太白入屏星為大臣戮若疾

玄冥占曰太白入守屏星諸侯有謀大臣有戮死

太白犯天廁十九

黃帝占曰太白守天廁為大臣戮者

鄰萌曰太白守天廁國多疾疫兵飢並起人主有憂

甄耀度曰太白入守天廁天下大饑人相食死者衆

期二年

太白犯孤矢天二十

帝覽嬉曰太白守孤矢天貴人多有疾而病死者一日

民多以饑死

荊州占曰貴人多死人將有千里之行若守之兵大起多盜賊以入日占其國

郝萌曰太白守^天矢米貴人饑兵馬交戰有大驚

太白犯軍市二十一

荊州占曰太白守軍市天下飢以兵起

石氏曰太白守軍市兵大起大將軍出若以兵飢

又曰天下亂四夷兵起道路不通

又曰軍中大飢絕其糧士卒逃亡期二年

太白犯野雞二十二

甘氏曰太白入軍市犯守野雞其國凶殃將死兵散以入日占之

又曰將有死亡兵有離散先起兵者殃期三年

太白犯天狼二十三

感精符曰太白守狼星車騎出滿野二十日將相死

者

石氏曰太白守狼星野獸死

郝萌曰太白提狼星而出入守之車騎兵出大將有

千里之行

荆州占曰太白守天狼彗兵起

又曰太白犯守狼星大將出行其国有兵

甘氏曰太白犯天狼兵車遍野盜賊塞路

齊伯曰太白犯守狼星兵大起士卒行天下凶諸侯

相攻多盜賊

宋書天文志曰晉惠帝永興二年四月丙子太白

犯狼星是年狗脚破公師番張方破荏陽王旭關

而諸侯攻河間王顥之奔走東海王遜而殺之也

太白犯孤星二十四

荆州占曰太白守孤星弓弩矢貴將有遠行千里民

多死者

玄冥曰太白守孤星臣有謀主者軍兵盡用關梁四

塞津道不通期二年

太白犯稷星二十五

海中占曰太白犯天稷主大旱五穀不登歲大飢荒

五穀散出

太白犯甘氏中官二

太白犯四輔一

荆州占曰太白犯乘守四輔星君臣失礼輔臣有誅

太白犯天厨二

荆州占曰太白犯乘守天厨大官有誅者

石氏曰太白守天厨大官吏死有憂

太白犯鼓旗三

石氏曰太白守鼓旗兵革起

太白犯天田四

文曜劬曰太白入天田發大兵相殘賊

荆州占曰太白守天田五穀傷

太白犯天門五

荆州曰太白舍天門中人主無出国門之遠宮門之

中有伏兵

太白犯平道六

甘氏曰太白入守平道天下兵乱

太白犯酒旗七

文曜劬曰太白犯酒旗三公九卿謀

荆州占曰太白守酒旗天下大酺有酒肉財物賜爵

宗室

太白犯天高八

黃帝曰太白入天高以四月從東方來入天高留三

十日民受賜留五十日兵起宮中

郝萌曰太白入天高成勾已天下有憂

又太白含天高中有奇令

太白犯礪石九

荊州曰中礪石兵起諸侯門庫發兵鋒刃貴

太白犯積尸十

石氏曰太白入犯乘守積尸天下大兵大疫積屍如

丘人主惡之

太白犯天潢十一

黃帝曰太白入天潢中天下大亂易政一日貴人死

又曰兵革大起道路不通

郝萌曰太白失度留天潢中人主以水為害若以井

為害者以入日占其國

太白犯咸池十二

黃帝曰太白入咸池中犯乘守之有喪

春秋緯曰太白入咸池天下亂易政人君惡之

石氏曰太白入天井大臣為亂國易政令

甘氏曰太白入咸池有兵喪天子所為敗失忠臣主

旱潦道不通貴人死以日入占國分

郝萌曰太白入咸池中犯秉守之乃糴貴

石氏曰太白守犯咸池有女子迷惑天子而為亂者

君死以日占國

荊州占曰太白中犯秉守咸池大兵起百萬人大戰

太白犯天街十三

郝萌曰太白當天街乃諸侯自立為王者一日大水

若留止逆行居中為兵革起

荊州占曰太白守天街兵塞道

文耀鉤曰太白犯守天街徘徊亂行主弱臣強道路

絕天下不通

荊州曰太白不行天街為政令不行不出其年有兵

太白犯甘氏外官三

太白犯狗星一

石氏曰太白中狗星守衛之臣作亂

太白犯狗国二

荆州占曰太白順行守狗国出兵討之于三韓鮮卑
烏桓獯豸等處若逆守之其國為亂天子伐外夷

太白犯天田三

郝萌曰太白抵之出入則大水五穀不成霜為害

太白犯哭星泣星四

荆州曰太白犯哭泣二星主死喪哭泣之事

宋書天文志曰晉孝武太元四年十一月太白犯

哭星占曰天子有哭泣事九月癸未皇后王氏崩

晉孝武大明三年十月太白犯哭泣後六宮多喪

公主薨天子舉哀相係歲大旱民飢

太白犯八魁五

荆州占曰太白入守乘犯八魁兵大起

太白犯鈇鉞六

荆州占曰太白犯鈇鉞五日以上臣有謀者

又曰太白犯鈇鉞誅執法之官

郝萌曰太白犯乘鈇鉞用以八日占之

太白犯葛藁七

黃帝曰太白犯蕩藻入中主寶出憂臣在內

太白犯九州殊域八

荆州占曰太白守九州殊口九州兵起

太白犯天節九

荆州占曰太白守天節大將兵出持節臣有好謀

太白犯軍井十

荆州占曰太白入軍井三日以上其歲多水有土功

太白犯天狗十一

荆州占曰太白入天狗北夷人飢未歸隣國多土工

太白犯天紀十二

荆州占曰太白犯天紀天下兵悉起

石氏曰幸臣執權兵天起王者憂之一曰大旱大飢

大臣作亂兵起宮中

太白犯天廟十三

黃帝曰太白入天廟若守之為廟有事一曰為凶憂

又曰太白入守天廟有廟殘之事吏不去死

太白犯巫咸外官四

太白犯長垣一

感精符曰太白入長垣三公九卿謀反又曰邊將叛
犯之則胡兵犯邊守之則邊兵大起有亡地大將
之憂

太白犯土司空二

土司空有二在奎南者一星也在軫西四星也今先錄奎
南後錄軫西以便參詳

荆州曰太白守土司空邦國有死者其國以土起兵

天下有軍

此二星者占之

石氏曰有兵喪天下有水徭役頻作

此二星者占之

荆州占曰太白守犯土司空男不得耕女不得織天

下大飢兵大起

此四星占之

太白犯鍵閉三

荆州曰太白犯乘鍵閉大臣有悞天子不尊事天者

致火災於宗廟天子崩

又曰王者不宜出宮下殿有匿兵於宗廟中者

又太白犯守鍵閉兵起天子憂之守衛之士有憂

太白犯天桴四

荆州曰太白守天桴兵鼓起

石氏曰太白守天桴失時

太白犯天淵五

荆州占曰太白守天渊海水溢大魚出江河决

太白犯鉄鎖六

郝萌曰太白中犯乘守鎖為斧鎖用一日兵将有憂

黃帝曰太白入斧鎖為大臣

荆州占曰太白犯守鉄鎖兵起

郝萌曰太白入鉄鎖大将誅

荆州曰太白犯鉄鎖誅執法之臣

太白犯天廡七

荆州占曰太白入天廡十日以上廡馬為疾

郝萌曰太白守天廡三十日騎馬出

大唐開元占經卷第五十二終

大唐開元占經卷第五十三

辰星占

辰星占主一

郝萌曰辰星七名小武星天兔安調細爽能星鈎星

荆州曰辰星一曰勾星一曰昂星一曰小霜一曰音

黃一曰歲咸一曰吳龍

天官星占曰辰星北方之位黑帝之子宰相之象一

名安調一名細極一名能星一名鈎星一名伺辰

主得常行四仲

鴻範五行傳曰辰星者北方水之精也於五常為智
樞樞貪道於五事為聽不或是非智虧聽失逆冬
令則辰星為變怪為水災為四時不和

極字為樞字看

班固天文志曰逆冬令傷水氣則罰見辰星

淮南子曰北方水也其帝顓頊其佐玄冥執權而治
冬其神為辰星其獸玄冥其音羽其日壬癸
荊州曰色太陰之精黑帝之子立東主北維其國燕
趙於日壬癸其位卿相又曰人君之象天子執政
大主刑刑失者罰出辰星之易是也

合誠圖曰星主正常

巫咸曰辰星主調和陰陽節四時効其萬物辰星修
順之則嘉逆之則怒

班固天文志曰辰星殺伐之氣門之象也

五行志曰辰星為蠻夷

荊州曰辰星主內謀天下有急一時憂出辰星主刑
罰王者殺無辜好暴逆簡宗廟重徭役逆天時則
辰星伏而不効主恩寬赦有罪輕薄稅歛賑貧窮
調陰陽四時則星効於四重天下和平灾害不生

荆州曰辰星主刑獄法官及遷尉人君宰相失治重
刑罰改法令後無辜戮不辜棄正法貨賂上流則
辰星不効度失時節法官憂
荆州曰有畢於野辰星為偏將之相無畢於野辰星
為刑事之象又辰星主燕趙代以北宰相之象
石氏曰讚辰星効四時和陰陽

辰星行度二

鴻範五行傳曰辰星以上元甲子歲十一月甲子朔
旦冬至夜半甲子時與日月五星俱起牽牛前五

度右行迅疾常與日月相傾見於四仲以正四時
歲一周天按曆法辰星夕見西方三十日而伏二
十二日而晨見東方而伏伏入三十三日一千五
百四十分日之一千一百七十八奇六十六復夕
見西方如初一終九一百一十五日一千一百七
十八奇六十六星行度数亦如之是七十也年而
二百四十九終也星平行日一度一年周天舊說
皆云辰星効四仲以為謬矣丞相之象一歲一周
出以四仲天下和平不出四仲災變生人民大飢

穀不榮陰陽錯亂國家傾冬溫夏寒災害傷人

洛書曰春分二日辰星在奎晨見東方十八日而晨
入東方夏至二日辰星在井晨見東方十八日而
晨入東方秋分二日辰星在昏出丙方十九日昏
入西方冬至二日辰星在女昏出西方十九日而
昏入西方

春秋緯曰辰星出四仲為初紀春分夕出夏至夕出
秋分夕出冬至晨出其初常自辰戌入丑未
淮南子曰辰星正四時常以二月春分初奎婁初見

也 以五月夏至初東井與鬼以八月秋分初角亢
以十一月冬至初斗牛出以辰戌入以丑未出三
旬而復入晨候之東方夕候之西方

石氏曰辰星仲春春分暮出奎胃東五舍為齊仲夏
夏至暮出東與鬼柳東七舍為楚仲秋秋分暮出
角亢氏房庚四舍為漢中仲冬至晨出東方與尾
箕斗牛俱出西方為中國

甘氏曰辰星乃正四時春分初婁夏至初與鬼秋分
初亢冬至初牽牛其出東方也行星四舍為日四

十八日退連二十日而反入于東方其夕西方也
行星四十八日其進也二十日而反入于西方
皇甫謐年曆曰辰星春分立卯之月夕効於奎婁宋
均常以三月春分見婁夏至立午之月夕効于東
井秋分立酉之月夕効于角亢宋均曰見日角亢
冬至立子之月晨効於斗牛出以辰戌入以丑未
宋均曰二旬入晨候之東夕候之西其星將出必
先陰風辰之情也

巫咸曰辰星出四仲以正四時出孟天下大亂更三
班固天文志曰漢時辰星出四孟後二年漢成晉也
又曰出西垂彗星出有敗國一日諸侯不及命
尚書緯曰文政夫於冬辰星不効其節

孝經授神契曰辰星出仲得和柔

巫咸曰辰星出常不見高海且有聚卒辰星受制則
閉門闔無道客斷罰殺當罪節闕梁楚水泛
郝萌曰太白不出辰星獨出西方兵起不戰辰星入

兵羅

荆州曰太白不出辰星獨出東方天下有兵羅無兵

有得令

辰星旺相休囚死三

荆州曰辰星之相也從立夏秋以至秋之盡其色即當精明無芒角不搖光

辰星之王也從立冬以至冬之盡其色則當北奎大星而青白有精光冬至之時有芒角

辰星之休也從立春以至春之盡其色則當無精光微小而蒼黃

辰星之囚也從立夏以至夏之盡其色即當赤黑

而不明

辰星之死也從仲夏以至夏之盡及四季其色則當赤細小微不明辰星之死從仲夏及盡及四季不行有囚色秋不下霜有死色稼禾不成雷電不藏其留守也其國破亡其進舍也與五星合其下有殃其退舍也五星及之不可奉事用兵

甘氏曰當其王色而有相色大臣專權政令不行有休色冬不冰有囚色冬無雪霜有死色冬有霧日不明雷電行其留守也其國不祥其進舍也與五

星合天下有謀其退舍也五星及之不可彗事用
兵當其休也而有王色是謂不祥人主昏蔽臣下
縱橫有相色將相君臣不和有囚色夏不雨大旱
有死色六月大疫傷貴人有土功其留守也其國
多小兒喪其進舍也五星合其下有水災其退舍
也五星及之不可彗事用兵當其囚也而有王色
則夏雨雪霜蟄虫生雷電不行有相色秋暴兵有
休色流水蕩蕩有死色有暴獄大臣受殃其進舍
也與五星合有得令其退舍也五星及之其下之

國不可彗事用兵當其死也而有王色貴人疾疫
有相色臣下疾疫有休色庶人病疫有囚色大旱
其進舍與五星合其年不登政令重使者相望其
退舍也五星及之其下國有兵不成

五星光色芒角四

甘氏曰候辰星以冬壬癸此王氣色當如其當色變
則災所也

荆州占曰辰星色比織女大星為正色貴此左角赤
比參右角黑比亢比辰星之常色也

禮斗威儀曰居水而王辰星揚光

春秋緯曰辰星之効也其色春青黃夏赤白或赤黃
秋青白國有得令冬黃而不明皆無傷也變則厥
也其時不昌辰星當効而出色白為旱黃為福又
為五穀熟赤為兵黑為水青為疫

石氏曰其國失刑失政令則辰星易色

辰星出東方色赤中國勝外國敗出西方色赤外
國勝中國敗天下無兵于外而則兵起
辰星其色黃而小出而易處天下之災變而不歲

成矣

辰星守列舍其色黃小則為敗常以冬壬癸日候
之若其色變者有水災

辰星之制也仲夏五月而出色當赤而反青黑色
其時多雨水晚出為掃星必有空國

巫咸曰辰星四時皆變其色不出其年君以女憂亡
又曰以女乘亡

荊州曰辰星正旗而出破軍殺將視旂所指順而擊
之大勝

石氏曰辰星芒角為毀則之蔽期九年姦與三九二
十七年國亂不禁

辰星盈縮五

春秋緯曰辰星當知不效為失律天下有兵不出兵
在外不戰

辰星三時不出兵大起四時不出天下更改

巫咸曰辰星一時不出一時不和兵起二時不出二
時不和大水三時不出三時不和有兵甲起四時
不出四時不和天下大飢有決水流漂人民

一曰有孛星出於東方

辰星代伏而不見經時斷獄者失理枉刑

元命苞曰辰星不以時出則刑失簡宗廟廢祭祀當
寒及溫四時錯政

春秋緯曰辰星不以其時而出者當寒反溫當溫反

寒兵水俱發

考靈曜曰政失於冬辰星不効其鄉

孝經鈞命決曰失倍則辰星縮天下大水歲不豐熟
石氏曰辰星當出而不出謂之擊卒有伏兵待而大

起豪傑發

甘氏曰辰星政緩則不出急則不入非其時則邦將

大飢辰星出不以時

辰星春不効國有暴雨六十日有流邑

辰星春不見期百八十日有大風伐木折屋秋不

實禾稼大損乃見彗星

辰星夏不見期百八十日旱冬則不藏不見與鬼

中禾稼傷乃見月食

辰星秋不見期百八十日有兵禾不成

辰星冬不見期百八十日有陰雨六十日有漂邑

夏則不長不見牽牛民大流

辰星上出四孟天下大亂一曰天下更主

鴻範五行傳曰辰星出四孟易王之象也

按漢高三年辰星出四孟後二年漢滅楚也

辰星一時而再見兵起行右兵行左左兵行

有兵之羅

辰星一時再出色赤而角不出其年中而兵起

辰星亂行流水湯兵革捨使之不殺沼溝渠

通水道如此則止

辰星出天南大潦出北大旱

海中占曰辰星出四孟為月食出四季為彗星主好
破壞名山壅塞大川通谷各水則辰星不出歲大
旱草木不長禽獸牛馬不蕃五穀不滋民多病患
癰疽不出五十日

辰星逆行一舍以其時水出為災

京房對災異曰人君內無仁義外多華飾則辰星失
度不救必有逆主之謀其救也省刑慎罰審法心

中無縱功治城國可以聘士耒賢廣思行惠則災
消弭矣

荊州占曰辰星出不待其時當水反旱當旱反水

辰星不以時效者用刑罰不中

辰星一時不知其時不和二時不知風雨不適三
時不知水旱不調四時不知王憂紀綱天下飢荒
人民流亡去離其鄉

辰星不知四仲則春多苦雨夏多凄風當溫反寒
當寒反溫陰陽不和五穀不登

辰星出四季有破軍

巫氏曰辰星出四季者國敗

荆州曰辰星春不見期百日必有暴風疾雨而傷苗
稼夏不見為旱為饑期九十日有流民者秋不見
期六十日大水冬不見五穀不藏人民流亡四時
俱不見河海決溢冲女為妖彗見於二十八宿各
以其舍占之其國

辰星縮天子失卒臣害作

辰星亂行甲兵鏘々上見四孟改政易王見於四

仲陰陽和暢五穀登成見於四季寇賊相望政失

紀綱

辰星变色而逆其國殃留守環繞不去其國大凶

無道

辰星一南一北害于禾稼候王有憂

辰星行諸列宿失道乘陽為水乘陰為旱

石氏曰辰星出孟月天子尊師習兵有殺謀

和萌曰辰星出西丁未間天下旱赤地千里

辰星晝見經天六

石氏曰辰星晝見其國不亡則大亂一曰國以亂亡
荆州占曰辰星經天凶又曰刑獄煩兵大起

辰星變異生足凶之兆也舊主出新主入

龍魚河圖曰天辰之氣主司災其積下為先農之神

巫氏曰辰星下為女子止於都津

石氏曰辰星之為雲如曲流水災期四月

春秋緯曰辰星生足故主走新主入

石氏曰辰星始出東方大而天下有兵

巫氏曰辰星失其常賊人且昌社稷巫碩事行修鼓

草男女更治事大治

荆州占曰辰星出東方而大者有兵於外解曰色黃

國有福五穀熟色赤旱兵馬興色黑為水色青有

憂色白者喪

巫氏曰辰星小其常主近無益之臣妾內亂兵起

天官書曰辰星黃而出小易處天下之災變而不善

矣又曰歲不成

巫氏曰辰星小而動兵小起大動兵大起

文曜鉤曰辰星小而色黃地大動

荆州占曰辰星始出東方小而不明天子有無益之
臣
辰星小而色黃者當兩反旱當旱反雨

辰星流與列宿合閉七
巫咸曰辰星若流君臣相背有反者又曰流若明
信有事

石氏曰辰星流出天下有水御史執法刑法之官多
死

荆州占曰辰星與宿合東方臣伐主

巫咸曰辰星與宿合閉西方期六月強國宮中有亂
辰星守列舍色黃為敗以冬壬癸日
班固天文志曰辰星與他星過而閉者晉灼曰妖星
彗孛之屬也一日五星合犯天下大亂出於房心
間主地動

辰星氣穰冠暈彗八

黃帝占曰辰星生氣而為黑穰明日大霧暮時大雨
不出六十日其所在之野大水牛馬羊皆貴三倍
孝經內記曰辰星生氣而為黑穰者六十日內分野

方大水猪羊貴

荆州占辰星出穰气一文大水

孝經右秘曰辰星冠珥帝不明下力強女主為政倭人得志兵乃大起天下無主

又曰辰星冠珥王失土

巫氏曰辰星白暈邊有兵其失色國凶

辰星白暈邊兵起或有水兵為患三年乃止

郗萌曰辰星出彗東北不出三月兵聚其下

按司馬彪天文志曰漢光武建武三十年閏月甲

午辰星在東井二十度生白氣向東南指延長五尺為彗東北行至紫微宮西藩正白氣為喪有災作彗，所以除穢紫宮天子之宮彗加其畜除宮之象後三年光武帝崩

大唐開元占經第五十三卷終

大唐開元占經卷第五十四

辰星占二

辰星犯東方七宿

辰星犯角一

黃帝占曰辰星出中道天下太平出陽道旱出陰道

多雨多陰謀乘左角為旱乘右角為水兵小戰

乘右角后族若將相家有坐法者死近角合閉女

子為天下害大臣殺其主

留兩角者間閼梁不通兵起邊境不通

辰星守角王者刑罰急大水滂人民往來舟楫
相望五穀不成天下有殃

辰星守左右角黑為水赤為旱青為憂白為喪
守角為中央大臣

辰星犯亢二
荆州曰辰星舍亢歲內小水焦旱不至

辰星數入亢其國大疫

乘亢左星萬物不成穀貴乘右星為大兵有奇令
守亢左星為水乘右星為兵盜賊起大人憂

辰星乘守亢多賊盜並起人民相惡國有憂
若逆行守亢為中兵大人憂之主令不行
入亢而犯守之名曰陰閉三光大水滂無有立
牆

辰星犯氐三

甘氏曰辰星犯守入氐貴臣憂執法官有獄事天下
大疫有易政

辰星乘氐左星天子有自將兵於野乘右星天下
大水大兵

海中占曰天下大旱五穀不收一日大水

辰星守氏不七日有水守十八日有兵大起

荆州占曰辰星守氏多惡風大旱五穀不成大疫國

易政又多水

辰星犯房四

郝萌曰辰星入房三道為天子有子

辰星入房十日成勾已為天子忌之以赦解之

辰星守房人民多暴死者之為良馬出廐或有暴

誅大臣相害乖天下道不通又天下兵水並起

辰星守鉤鈐地裂山崩

辰星犯守房馬大貴有大赦

辰星入守房心間主地動

石氏曰辰星守房東去而又還成勾已者為后妃夫

人有喪又曰為大飢人相食死無葬大水起兵

辰星守房天下諸侯相謀慮道不通天下易王大

人喪有逆臣叛

辰星逆行守房心天子被毒官人食糟糠

辰星已房穀大貴大飢若犯守房有白衣之會一

曰為天下相誅若把左右驕大人中相誅
辰星犯守留逆乘陵房之左右驕或左右服皆為
主崩臣有謀陰所中將相被誅逆行乘陵中道天
子失位而亡順行乘陵中道天下和平
辰星犯乘鈎鈐大臣有誅天子不尊天道者致大
灾於宗廟王者不且出宮下殿有謀慝於宮廟中
者又曰犯房奸臣有謀又曰犯鈎鈐王者憂
辰星中犯乘凌房星者國君憂色青憂喪色赤積
尸成山曰異有將相誅曰芒角主大哭

辰星犯心五

陳卓曰辰星犯心中星王者絕嗣犯前星太子憂之
犯後星庶子憂之

辰星經心清明烈照天下內奉明王帝必延年若
合心玄色不明有喪

辰星守心以水滅火之日不去主服女乘大臣相
戮山川大潰水溢滂一日大人以外兵色黃增地
色白有義於天下一日陰侵於陽臣謀於王
又曰天下大敗易王一日大臣戮主

武氏曰辰星逆行留犯守秉凌心星者宮內賊亂臣
下謀主天子之權在宗室或得勢大臣
辰星逆行犯心明堂環繞成勾已為大人憂期六
月遠二年有赦以解之
辰星中犯秉守心明堂皆為內亂欲殺主有亡國
近期十月中期一年遠期二十八年大臣當之
巫咸曰辰星守心徭役煩賦斂重民不堪命多盜賊
辰星在陽為燕在陰為胡一日水守心大臣以外
兵死色赤為旱為兵色黑為水兵喪

辰星犯尾六

巫氏曰辰星入尾天下大水江河決溢魚鹽貴三倍
米大貴

辰星入天江天下多水

辰星守尾為大臣女主惡之大飢人相食民離其
土君子賣衣小人賣子后妃亂執政得事有水災
多疾病

辰星守尾箕後宮有省者一曰後宮有罪者
守尾為用事者當之天下年開有大赦萬物不成

辰星逆留犯守乘凌尾宿者妃后以珠玉簪珥惑
天子者讒誣大起后與相受誅宮人出走兵起宮
門國中太亂

辰星犯箕七

巫咸曰辰星犯箕河水大溢若入箕中伺其出日而
數之期三十日兵發入日之率一日期十日軍罷
若入箕天下大赦一曰牢開一曰大人當之
守箕其歲多水為女主憂舍箕用事者坐之
出箕穀大貴天下大旱飢死過半

和萌曰守箕中國有大兵執政者當之守之七日內
乙巳曰守七日内灾禍起或有疾風解之則消

石氏曰天下米貴十倍人流他鄉死者不莖

荆州曰辰星守箕有大赦或大旱多火灾萬物不成
巫咸曰辰星中犯乘凌箕者江湖大水有赦歲多惡
風箕色赤有内亂大风為灾

大唐開元占經卷之第五十四卷終

大唐開元占經卷第五十五

辰星犯南方七宿

辰星犯南斗一

巫咸曰辰星入南斗口中大臣誅一日不用象而有

天下

郝萌曰辰星入南斗天下受爵祿期六十日或九十

日若失行守斗將相有誅

文耀鉤曰辰星入南斗天下大水五穀傷人民飢

辰星居南斗河成閼道不通

黃帝曰辰星守斗有兵赤而角天下敗白而大諸侯
列地相賂為和黑而小其國亡

石氏曰辰星守南斗在北民凍死在西虎狼入邑在
南狗多死在東女子多死

洪範傳曰辰星守南斗其國不可舉事用兵必受其
殃

石氏曰辰星犯南斗有大赦

甘氏曰辰星守南斗若角動色青黑萬民大死橋梁
不通天下起水

司馬彪天文志曰辰星犯南斗有戮將或有死相

郝萌曰辰星守南斗有兵喪易正朔

陳卓曰辰星守南斗萬物不成五谷傷敗

石氏曰辰星犯南斗留守之破軍殺將

辰星犯牽牛二

巫咸曰辰星守牽牛五穀不成一曰牛疫犧牲死

郝萌曰辰星乘牽牛為人相棄於道流亡

陳卓曰辰星乘牽牛穀粟貴天下大水

感精符曰辰星守牽牛國以水為敗犧牲疫牛多死

春秋緯曰辰星守牽牛先賤後貴

石氏曰辰星守牽牛水涌為敗大牛多死

辰星守牽牛民有自賣者歲多水災萬物不成五

穀傷一曰地氣泄貴人多死

甘氏曰辰星守牽牛有犧牲之事若使人以四足虫
為虎者未也色青有痛色黑有憂

海中占曰辰星守牽牛歲多水民為兵凌脊燕尤甚

荊州占曰辰星守牽牛閼梁不通

郝萌曰辰星守牽牛人死喪一曰谷貴民多流亡

陳卓曰辰星守牽牛臣謀其主七

甘氏曰辰星犯牽牛留守之為有破軍殺將

陳卓曰辰星犯守牽牛有水湧出

北官候曰辰星常以冬朝牽牛當朝不朝名曰失律

二時不朝名曰失政三時不朝五穀不登

郝萌曰辰星急過牽牛一度過水一動二度過水二
動三度過水三動四度過水四動五度過水出
六度過水大出地為之動

辰星犯須女三

黃帝占曰辰星守須女其國當有娶婦嫁女之事或
他國來貢女者一曰兵起大臣當之

石氏曰辰星守須女為有女喪

巫氏曰辰星守須女萬物不成

海中占曰辰星守須女天下雨水津梁不通

郝萌曰為后夫人有變妾媵為主

又曰為水若守須女南其地數被火守北數被水

石氏曰辰星犯守須女女主御世天下大赦其國有

水國中太亂

荊州占曰天下多寡婦或子死繒帛貴

陳卓曰辰星逆行留犯守凌須女天子及大臣有變

政必有奇令

又曰天下有兩災萬物不成國飢民多疾

辰星犯虛四

洛書曰辰星犯虛大臣謀主兵起其國必敗

甘氏曰辰星守犯虛其國多水災

文曜鉤曰辰星躍入虛宿得其所數

黃帝占曰辰星守虛雨水人民流亡

洛書曰辰星入虛有兵起

巫咸曰辰星入虛中伺其出日而數之期二十日為

兵發伺始入日之率一日期十日期十日軍罷

郝萌曰辰星入虛為有得

春秋緯曰辰星入虛兵起大水出

郝萌曰辰星凌虛在東春水虛在南夏水虛在西殺

水虛在北冬雪雨水

石氏曰辰星守虛國內亂一曰政急天下大亂人憂

甘氏曰辰星守虛若角動貴色臣有欺君者有兵喪

於國內

海中占曰辰星守虛有兵災丁杜行徭役妻女獨居

萬室空虛又曰春旱秋水五谷不成

郝萌曰辰星守虛有武臣誅國必亡

又曰山中水出人民無居災生日見

荊州曰辰星犯乘虛若犯守其陽色赤黃旱萬物不

成亂兵起

辰星犯危五

荊州曰辰星犯入危奸臣謀主一日天下大亂有賊

臣起

巫咸曰辰星犯入危霖雨百日其国大水五穀不成
人民飢

石氏曰辰星守危米大貴天下起兵、大發

辰星去危客水減各宮若守危大水有大喪

甘氏曰辰星守危大臣有戮刑法官有憂

一曰皇后憂疾兵喪並起

海中占曰辰星守危天下兵大發

陳卓曰辰星犯守危国多水灾

郝萌曰辰星守危其国危破一曰為大人蓋屋事若

逆行守危其君簡祭祀

郝萌曰辰星守墳墓人主有灾治之事

辰星犯營室六

郝萌曰辰星犯營室為土功事犯陽、有急犯陰、

有急

黃帝占曰辰星入營室天下兵乘水歡攻王侯之國

不出百二十日

春秋圖曰辰星入營室天下徭役煩民不寧其居

甘氏曰辰星守營室其色青者宮女多有死大人憂
一旬三月相逐三旬五月國君亡

巫氏曰辰星守營室多水災五穀不成

郗萌曰辰星守營室徭役起一曰后有憂有大喪

一曰守營室東壁北關梁不通又曰守營室大兵
乘舩欲入王候之國近期四十日

辰星守室天下諸侯發動於西北

聖洽符曰辰星犯守營室中女有夭死者大人有土
功之事

辰星犯東壁七

陳卓曰辰星犯東壁王者刑急法深朝廷憂國有益
藏保守之事

石氏曰辰星守東壁國有大喪一曰大水兵革起

春秋圖曰辰星入東壁而中之奸臣有謀

郗萌曰辰星守東壁為大人衛守一曰為天下兵起

又曰秋兵起亦云有土功事一曰為多水一曰歲

晚水

玉曆曰逆行守東壁大水出橋梁不通舟舩用市民

王大觚

春秋圖曰辰星入東壁

和平

大唐開元占經第五十五卷終

大唐開元占經卷第五十六

辰星犯西方七宿

辰星犯奎一

石氏曰辰星入奎有决漏之事名水有絕

海中占曰辰星潤澤出入奎間天子有善令偃武修

文若变色入奎有為令耒耜者出奎有為令出使者

春秋圖曰辰星入奎天下賤人出貴人反

黃帝占曰辰星守奎奸臣賊子謀弑其主

河圖曰辰星犯奎有大水灾又曰大臣下獄

聖洽符曰辰星入奎有溝瀆之事於外國
石氏曰外國之主入於中國一云天下多愁又曰山

水潰出
巫咸曰多火災為旱萬物五穀不熟有兵災
荊州占曰王者憂之大人當之

辰星犯奎江河決臣謀主或臣逆主

辰星犯婁二

聖洽符曰辰星入婁其國任能賢人當用良才得遷
甘氏曰辰星守婁若角動赤黑色臣有事祿而起兵

者辰星犯婁刑罰急

郝萌曰辰星守婁有白衣之會又曰外國主入中國

石氏曰多水 巫氏曰多火災 荊州曰犧牲多死

天文志曰辰星守婁為兵為匿臣

辰星逆行守婁有水災蝗虫生萬物不成有下獄
一曰有兵 羅無兵 起

甘氏曰辰星入婁犯守之王者刑罰急大臣當誅必

有下獄者

辰星犯胃三

郝萌曰辰星犯胃天下穀無實以飢為憂一曰為乱
春秋圖曰辰星入胃布帛賤

黃帝曰辰星守胃且有兵令一曰國主當之

又曰有兵國以無義失樂又曰政失大飢又曰有
陰兵夷狄勝亡國

巫氏曰辰星守胃多火災為旱萬物不成有兵

甘氏曰辰星守胃若角動色赤白以水兵起又曰有
立候王若旱五穀不成

海中占曰民人大飢乱

荊州占曰辰星逆行守胃天下有兵倉穀空虛

雌雄圖一光占云辰星犯胃母子同光國立候王且
有急令國主當之

陳卓曰辰星犯守胃國主不寧

荊州占曰辰星守胃穀貴禾傷火災為旱

辰星犯昴四

石氏曰辰星犯乘昴有亡國臣有謀主者主變若行

其北西而北夷有毒霜早降歲有疾疫

荊州占曰辰星犯昴夷狄兵起民受其殃

大德堂
郝萌曰辰星乘昴若出北天子起兵伐更胡主死陰
國凶

郝萌曰辰星入昴中有大水三文五穀不成大飢
石氏曰辰星留昴二十三日若六十日守昴中宮有
客國政大危易政令及有自來之王

黃帝占曰辰星守昴兵起破散民流亡

洛書曰大水決溢為民害五穀傷

石氏曰辰星入昴夷狄勝中國及五谷不成

甘氏曰辰星守昴角動兵起有謀者在北大將之家

及外戚之親以星入之日占其國

甘氏曰辰星守昴執法臣謀誅

郝萌曰辰星守昴天下失綱常兵起于野

春秋圖曰辰星入昴民且從之

郝萌曰辰星守昴畢東行至天高復反至五車為邊
兵發有赦

荊州占曰辰星守昴諛臣在內有白衣會起

郝萌曰辰星犯守昴者為白衣之會又刀劍貴

又曰犯乘守昴中有兵北征

感精符曰辰星逆行守昴有兵大臣有作法死者

又曰究獄失理

荆州曰辰星逆行守昴環繞兵起

雌雄圖三光占曰辰星犯守昴夷狄之兵起國失政

一曰有陰兵

郝萌曰辰星守昴臣蔽主德一曰以藥害上者

客星亦同

又曰因徒有聚眾攻獄一曰胡人殃天下多亂獄

辰星犯畢五

荆州占曰辰星犯乘畢宿邊兵大起

黃帝占曰辰星犯畢出其北陰國憂出其南陽國憂

郝萌曰辰星犯畢若入之兵起於外秋有憂

巫氏曰辰星入畢中伺其出日而數之期二十日為

兵發伺始入處之率一日期十日為軍罷

海中占曰辰星入畢中有兵一曰歲熟

郝萌曰辰星入畢有憂兵一曰其國易主

石氏曰辰星出畢之陽則旱出畢之陰則水為政令

不行

春秋圖曰辰星守畢山崩民流

又曰子歸母天下安寧若有敵

聖治符曰辰星守畢川河大溢民流死亡

巫氏曰辰星守畢邊疆有以水起兵者

北官候曰辰星守畢邊兵起有水災萬物不登臣下

謀反近臣為倭外國稱王

石氏曰山水漲溝河溢潦大至

甘氏曰辰星守畢民多疾病死亡

巫氏曰有水災萬物不成

郝萌曰辰星守畢急有謀兵期八十日或八月

又曰野人為亂

陳卓曰辰星犯附耳為兵起若將相有喪憂也若不

則免退

辰星犯觜觶六

石氏曰水守觜其下水災趙國尤甚有反臣不出百

日兵起先動者敗

又曰辰星犯觜其國兵起天下動移

郝萌曰辰星入觜中伺其出日而數之期一十日發

兵起伺始入處之率一日期十日軍罷

又曰守甯萬物五穀不成一曰天子不可動行兵
一曰有反臣不出百日天下水起國尤亡

荆州占曰辰星犯乘甯憂兵水之災

石氏曰辰星守甯西方客動侵地欲為軍王崇禮以
制義則國安

巫氏曰辰星守甯為萬物不成一曰旱五穀不收大
人憂一曰天下大飢又曰多火災

海中占曰辰星守甯中有兵

甘氏曰辰星守甯子歸母君臣相同

辰星犯參七

甘氏曰辰星犯乘參貴臣黜

荆州占曰辰星犯參國有水兵

春秋圖曰辰星入參兵大起

巫咸曰辰星留止衡兵草起又曰守參貴臣黜

黃帝占曰辰星守伐星移南朔入塞星移北朔出塞

石氏申曰辰星守參且有水一曰有反者國有憂

班固天文志曰辰星與參出西方為旱大臣誅

石氏曰辰星守參天下不可以將兵動衆國有反臣

又曰有赦星出於參中邊有兵

巫氏曰水災萬物不成

海中占曰辰星守我衛尉當之

郝萌曰辰星守參伐者為反臣中兵一曰為后夫人

當之一曰內亂

春秋圖曰辰星逆行守參邊將有憂一曰外夷動

聖洽符曰辰星入參犯守之不出其年有兵起若後

邑先起兵者破亡後起兵者昌

荊州占曰辰星守參國易改更法令邊兵起大戰有

大水災五谷不成有反臣

辰星入伐兵起出則胡人出入則胡人入

辰星入參色青黑不出其年兵起

大唐開元占經卷之第五十六卷終

大唐開元占經卷第五十七

辰星犯南方七宿

辰星犯東井一

文耀鉤曰辰星入東井蠻夷君憂有死者邊兵起期

不出年

郝萌曰辰星入東井有軍在外星進則兵進退則兵退

河圖曰辰星出入東井馬暴貴有叛臣

荊州曰辰星出入東井有亂臣

黃帝占曰辰星宿東井為水

石氏曰守東井其年春旱秋水一日天下大水

甘氏曰辰星守東井若角動色赤黑以水起其色黃
潤澤天子善令若色變者大人憂天下有名水絕
所謂絕者逆行而入之

郝萌曰辰星久守東井為金錢易萬物五穀不成一

曰守東井胡兵起五谷霜死其國尤甚歲大惡

辰星入犯乘守東井三日以上棄夷君當之死期

大三月或一年二年三年

石氏曰辰星犯守鉞大臣誅斧鉞國有兵起

辰星守東井法臣相戮一曰入其中王者易更改

荆州占曰辰星守東井道上多死人

陳卓曰辰星守東井百川皆溢

按天文志光武建武三十年閏月甲午水在東井
二十度生白氣東南指炎長五尺為彗東北行至
紫宮西蕃止五月甲子不見凡見五十一日水常
川夏至後劾東井閏月在四月尚未當見而見是
而進也東井為水衡水出之為大水是歲五月及

年郡国大水壞城郭傷禾稼殺人民也

感精符辰星守東井去之七寸七日以上至十五日

王者誅大臣期不出一百八十日

辰星犯婁鬼二

河圖曰辰星犯輿鬼為国有憂大臣誅

石氏曰辰星犯輿鬼有兵一曰犯天質兵起

郝萌曰辰星犯輿鬼乱臣在內

黃帝曰辰星犯輿鬼質者執法人誅

南官候曰辰星犯積尸氣貴臣有罪死兵起

又曰隨星所主若犯四星為天子所發之

荊州占曰辰星入犯輿鬼執法者有戮死君兵起將

軍有憂人多死一曰乱臣在內有屠城者

甄耀度曰辰星入輿鬼犯積尸大臣有誅答賊国貴

人有犯罪或戮死者

郝萌曰辰星入輿鬼為大人卒事以命終

天文志曰辰星入輿鬼為死喪一曰大臣有死

陳卓曰辰星入鬼壘夷之君有誅一曰兵起將軍憂

春秋圖曰辰星入鬼天下殍病

郝萌曰辰星守輿鬼月食若五穀不登

春秋圖曰辰星守輿鬼民多病歲大惡久飢亡

天子曰君有戮死者

春秋緯曰辰星守犯輿鬼金錢發用人民多耳目疾
大人有殃天下多兵死者

陳卓曰辰星入守鬼者大臣有謀人主憂財寶出大
臣有誅死者

石氏曰辰星守輿鬼天子不恭祭祀五穀不成人多
疾疫民多流亡國多誅殺

海中占曰辰星守輿鬼出其南水出其北旱

郝萌曰辰星守輿鬼三月后夫人疾守二十日太子

夫人病守十餘日諸國夫人病守西南為秦漢有

反臣兵起以赦令解之守輿鬼有喪右為主人左

為客人一云五月大水虫蝗

郝萌曰辰星入守輿鬼為主憂財寶出若大臣有謀

乘賈者君臣人憂秦蜀民疾南入為男北入為女

西入為老東入為壯棺木價貴

荊州占曰干犯守輿鬼隨所守王者發之出七十日

天下有喪陽為人君陰為皇后左為太子右為貴臣

按漢天文志曰漢順帝漢安二年七月中甲辰星犯輿鬼明年八月順帝崩孝冲即位明年正月崩

辰星犯柳三

石氏曰辰星犯柳有水功事若名木見伐者

又曰木工事名木伐

海中占曰辰星入柳天庫者以水起兵

天庫即天相也

荆州占曰辰星入注下刑上子訟父民多仇粟貴大旱馬價騰

春秋圖曰辰星入柳天下木貴馬貴先澆後旱

黃帝占曰辰星入柳年穀不收

甘氏曰王者賜客或国有貴客之賜者郝萌為臣外中兵以得今解之一曰舟船相望在于北方若處其陽大旱有死喪處其陰為水有災傷

玄冥占曰貴臣得地後有得令事出期九十日

郝萌曰辰星守柳注藥在酒食口忌不可食之

春好辰星犯七星四

郝萌曰辰星犯七星臣為乱有同姓謀主者

甘氏曰辰星入七星有君置太子者

春秋圖曰辰星入七星天下大滂百姓多流亡

郝萌曰辰星留七星天下大憂在中央

石氏曰辰星守七星民多疾一曰民流千里又曰兵

起內若守二十日以上有水

甘氏曰辰星守七星若角動天下有兵三年乃解又

曰萬物不成

海中占曰大臣凶貴人有罪執法官有憂

郝萌曰辰星守七星反臣中外兵以得令解之

巫氏曰辰星犯七星三日以上賊臣在側若有叛臣

皆九十日應之以善令則無咎

荊州占曰辰星守七星大水為災

辰星犯張五

春秋圖曰辰星入張有賢人在下當為卿相

石氏曰辰星守張天下大水兵起若相守而角動有

臣傷其君色赤有兵為諸侯之害起于宮中或庖

厨之間傷其君色黑者妨飲食中有置毒藥者

甘氏曰辰星守張權臣專政天下不寧

甘氏曰辰星守張天下大水有兵人多病死
巫氏曰萬物五穀不成

和萌曰辰星守張為反臣中外兵以得令解之謂赦
令也又曰夏變不收大飢一日民多病喪又曰主
人多聞訟

南官候曰辰星守張天下大飢

百二十占曰辰星入守張宿且有更令

和萌曰入張宿若守之水入火為逆理犯上者天下
不安小人犯上多聞訟多病疾

辰星犯翼六

玉曆曰辰星入翼中兵大起守翼有急事若有大風
春秋曰辰星入翼有賢在民間當用

石氏曰辰星守翼水入火中有逆理事貴臣有憂若
大臣有戮又曰水旱之災星入其度當位者退之
以消天意王者以赦除咎又曰守翼為萬物不成
一曰人民流亡又曰魚鹽鐵大貴四倍牛馬行

甘氏曰辰星守翼大水兵起色白京師起色黃事成
色青黑喪死事

海中占曰有兵災或大水在北方五穀不成

郝萌曰守翼多火災一曰在北方又曰為反臣中外

兵得解者

荆州占曰辰星守翼近臣為亂歲有亡國民流千里

有蛇龍出現

陳卓曰辰星入守翼宿王者有疾期不出年中二十

八宿山經註曰辰星一年不出留翼軫主死生

玄冥占曰守翼若有誅者

班固天文志曰辰星以彗現西方大臣誅

乙巳占曰辰星犯守翼大臣憂之星入其度當位者

宜退之陳卓曰地荒巫氏曰為旱

辰星犯軫七

石氏曰辰星入軫中為大兵起

巫氏曰辰星入軫伺其出日而數之期二十日為兵

發伺始入處之率一日斯十日罷

黃帝占曰辰星守軫天下大疾貴者多死國有喪

天文志曰辰星守軫為白衣之會

石氏曰辰星守軫萬物五穀不成

郝萌曰辰星守軫為反臣中外兵以得令解之又曰
執法大臣凶車騎用

玉曆曰守軫天下疾疫人多死其死災多在北方
南官候辰星守軫內戚臣凶

甄曜度曰辰星入軫及守犯之有兵必大戡有破軍
殺將於其野人民驚駭守過二十日以上光明色
赤而大者有數十萬人大戰流血積尸此災不作
仍有大水則山河崩決百姓有流波之災五穀傷
敗人民飢死期二年

大唐開元占經卷之第五十七卷終

大唐開元占經卷第五十八

辰星犯石氏中官

辰星犯大角一

海中占曰辰星守大角臣謀主有兵起人主憂王者
戒慎左右期不出百八十日遠一年

辰星犯梗河二

巫咸曰辰星守梗河國有謀兵四夷兵起未侵中國
邊境有憂

辰星犯招搖三

聖治符曰辰星犯招搖邊兵大起胡人為寇若守之
胡人敗胡王死期不出二年

春秋聖治符曰胡寇入邊兵大起若守之胡人敗胡
王死期不出二年

辰星犯天槍五

荆州占曰天槍角動天下殺主禍從中發一星不具
則兵大起

辰星犯天槍夷兵起机槍大用防戎有憂若誅邊臣

期不出年

辰星犯天棓六

巫咸曰辰星犯天棓夷兵起防戎有憂或誅邊臣者
期不出其年一曰兵起四方

辰星犯女林七

荆州占曰辰星犯女床後宮有奸謀者凶

甘氏曰犯守女床兵起宮中若后妃有暴誅者期百

八十日遠一年

辰星犯七公八

黃帝占曰辰星守七公五谷不成人飢君不安

石氏曰犯守七公輔臣有謀議臣相疑若有誅者人

主憂之

辰星犯貫索九

荊州占曰辰星入天牢天下有賊一曰有水一年一

曰旱期一年又曰歲飢人相食又曰大赦期百二

十日

巫氏曰辰星犯守貫索天下兵大起多有獄事貴人
有死者

石氏曰辰星入天牢中犯乘守者以獄為亂多不出

年

辰星犯天紀十

文耀鉤曰辰星犯守天紀幸臣執權有兵王者有憂

辰星犯織女十一

黃帝占曰辰星守犯織女天下有女憂兵起不出其

年

辰星犯天市垣十二

石氏曰辰星入天市大臣有誅

九德堂
郝萌曰辰星入天市中皆為將相凶一日五官有憂
一日大赦又曰辰星入犯守天市蚩夷之君戮又
曰為驚一日更市

黃帝辰星犯帝座十三

石氏曰辰星犯帝座為臣謀主有逆亂事人主大憂
玄冥曰為臣謀主天下大亂兵起不出其年

辰星犯候星十四

海中占曰辰星犯守候星陰陽不和五穀不成人民
大飢有兵起

月辰星犯官者十五

甘氏曰辰星犯官者天子左右侍臣有誅戮死者期
製不出年

辰星犯宗正十六

石氏曰辰星犯守宗正左右群臣多死者有更政令
人主有憂

辰星犯宗人十七

石氏曰辰星犯守宗人天子親族貴人有憂若有死
者一曰人主宗親有離絕者

辰星犯宗星十八

甘氏曰辰星犯宗星宗室之臣有分離者

辰星犯東西咸十九

石氏曰辰星犯東西咸為臣不從令有陰謀

辰星犯天江二十

黃帝占曰辰星犯天江或入主大水決城郭

陳卓占曰辰星入天江暴水為害不出其年

巫氏曰犯守天江天下有水若入之大水齊城郭人

民飢去其鄉

辰星犯建星二十一

陳卓曰辰星犯建星大臣相譖死謀主閼梁不通天

下大水

百二十占曰辰星出建星中國有水旱五谷不成人

民飢不出其年

郝萌曰辰星守建星地氣泄貴人多死一曰臣謀主

荆州占曰辰星犯建星歲水人飢有自賣者

辰星犯天弁二十二

甘氏曰辰星犯天弁若守之則囚徒起兵一曰五谷

不成羅大貴人民飢

辰星犯河鼓二十三

齊伯曰辰星犯河鼓皆為河兵起大將及左右將有誅者若守之將有罪以五色占之

甘氏曰辰星入河鼓大將出用兵

辰星犯離珠二十四

石氏曰辰星犯離珠宮中有事若有亂宮者或宮中有罪黜者

辰星犯匏瓜二十五

甘氏曰辰星守匏瓜三十日狗夜嗥雞鳴天下盡驚聖治符曰辰星犯守匏瓜天下有憂若有遊兵果不實一曰魚鹽貴十倍不出其年

辰星犯天津二十六

海中占曰辰星入犯乘守天津關梁不通有兵起及關吏有憂

鄰萌曰辰星守天津兵革起

辰星犯騰蛇二十七

甘氏曰辰星守騰蛇天子前驅云若奸臣有謀前驅

為害

辰星犯王良二十八

石氏曰辰星守王良為有兵

齊伯曰辰星犯守王良天下有兵諸侯相攻強臣謀

主期不出年

辰星犯閣道二十九

石氏曰辰星犯閣道統漢者為九州異政各主其主

天下兵起不出二年

辰星犯附路三十

石氏曰辰星守犯附路太僕有罪若有誅一曰馬多

死道無乘馬者

辰星犯天大將軍三十一

郝萌曰辰星入天大將軍將軍大吉

石氏曰犯守天大將軍為大將軍死及誅者

辰星犯大陵三十二

石氏曰辰星入犯乘守大陵國有大喪大臣有誅若

戮死人民死者大半尸骸如山不出其年

荊州占曰辰星入大陵積屍天下盡喪死人如岳星

衆兵起星稀無兵

辰星犯天船三十三

郝萌曰辰星守天船革命大水溢魚人居

聖治符曰辰星入天船或守之兵大起舟船用有亡

國期不出年

辰星犯卷舌三十四

石氏曰辰星入犯乘守卷舌天下多喪又曰留守卷

舌國有佞臣謀其君以口舌為害人主有憂

辰星犯五車三十五

石氏曰辰星犯五車大旱若有喪一曰犯庫星兵起

北方或西方其犯倉星者穀貴有水

元命苞曰入五車則水開又班固天文志曰大水

海中占曰辰星入五車兵大起車騎行五谷不成天

下民飢若軍絕糧

黃帝占曰入五車中犯乘守天庫以水潦起兵

辰星犯天關三十六

石氏曰辰星行天關中每至抑揚當去不去徘徊亂

行光色陰怒見其妖祥中國隔絕道路不通

文曜鉤曰守天關天下大水津梁不通人民大飢有
自賣者期一年

石氏曰行天關臣謀主

郝萌曰辰星守天關者皆為貴人多死

海中占曰辰星守犯天關道絕天下相疑關梁之令

辰星犯南北河三十七

黃帝占曰辰星乘犯南河戒出其南皆為中國有兵

石氏曰辰星守南河蠻夷兵起邊戎有憂若有旱災

人民飢又曰留守南戎中方兵起

黃帝占曰辰星出北河戒間若留守北戎若居南戎

間若守西戎間為天下有難道不通

荊州占曰守西河戒間天下乖離

郝萌曰失度守陰門若陽門為諸侯姦又曰不行天

門天關間為喪

辰星犯五諸侯三十八

石氏曰辰星犯五諸侯若守之兵大起將士出諸侯

有憂若有死者

巫氏曰辰星入五諸侯伺其出之日而數之二十日

兵起發伺始入處之率一日軍罷

石氏曰中犯乘守五諸侯諸侯兵死期三年

辰星犯積水三十九

石氏曰辰星守積水旱

巫氏曰犯守積水其国有水災水物不成魚鹽貴一

曰以水為敗糴大貴人民飢期二年

辰星犯積薪四十

甘氏曰辰星犯守積薪天下大旱五穀不登人民飢

七流離凶荒

辰星犯水位四十一

石氏曰辰星犯守水位天下以水為害津梁阻塞不

通一曰大水入城郭傷人民期不出二年

辰星犯軒轅四十二

黃帝占曰辰星行軒轅中犯女主女主失勢憂喪也

石氏曰辰星在軒轅中有以女子謀人君者

巫氏曰辰星行犯守軒轅女主失勢一曰大人當之

若有黜者期二年

石氏曰入軒轅中犯乘守之有逆賊若火災又曰犯

守軒轅太民星大流太后宗有誅者若有罪中犯
乘守小民星小飢小流皇后宗有誅者若有罪
按宋書天文志曰晉穆帝州平四年六月辛亥辰
星犯軒轅五年五月帝崩哀帝立褚后失勢
孝武太元五年七月丙子辰星犯軒轅占曰女主
當之至九月癸未皇后王氏崩

安帝隆安三年五月辛未辰星犯軒轅大星四年
七月太皇后李氏崩也列大夫有放逐者五官不
治也色啐為憂為疾莫所中犯乘守者若有罪

辰星犯少微四十三

石氏曰辰星入少微君當求賢佐不求賢佐則天威
奪勢者矣又曰犯守少微名士有憂王者任用小
人忠臣被害有死又曰五官亂宰相易有兵憂
石氏曰辰星入中犯乘守少微宰相易一曰女主憂
帝覽嬉曰行犯左右執法為大臣有憂
郝萌曰左右執法執法者有誅若有罪
又曰犯天庭臣為亂

辰星犯太微四十四

荆州占曰辰星道從太微西蕃北南方星間入到南方東方星間南出道中西蕃直坐入者非道也春秋圖曰辰星若以立秋後七十二日得壬子入太微朝見當此之時陰氣隆陽氣潛藏不欲穿池決溝渠犯之冬雷

荆州占曰辰星以壬子日順入太微天子所使也不以壬子日非天子使也

郝萌曰辰星當太微門為受制當左執法為受事左執法當右執法為受事右執法守太微門三日以

下為受制三日以上為兵為賊為飢為亂

荆州占曰辰星出東掖門為將受命東南出得事也出西掖門為將受命西南出刑事也期以春秋

黃帝占曰辰星入天庭色白潤澤者有赦期百八十

日

巫咸曰辰星入太微太陰門西出太陰門東後宮被大水湧潰兵喪為災

合誠圖曰辰星入華闕門為臣弑君

石氏曰辰星入太微中華東西門若左右掖門而南

出端門必有反臣若入西門出東門為人君不安
欲求賢佐有入中華西門出中華東門為臣出令
入太陰西出太陰東門為天下大乱有喪大水
郝萌曰入太微西門犯天庭出端門為大臣伐主入
西門折出右掖門為大臣假主之威而不主命入
西華門出端門為臣詐稱詔入太微若入端門出
東門貴者奪勢

荆州占曰辰星入太微宮天下有聖女子出燕代若
有大水傷人民期三十日

荆州占曰辰星入太微天庭出端門臣不臣入太微
宮為天下大驚一曰有兵又曰入天庭國不安其
宮又曰辰星見太微天子當之

陳卓曰辰星入太微天子之宮群臣相殺

齊伯曰辰星入左右掖門而東出天下有憂若入端
門而守天庭強臣奪主位

黃帝占曰辰星東行入太微庭出東門天下有急兵
若守將相丞相御史大臣有死者若入端門守庭
則大禍至入南門出東門國則大旱若入南門逆

行出西門國大臣殃逆行入東門出西門國破
亡若順入西藩布不留去楚國云殃

巫氏曰辰星逆行入太微天庭中為大臣有誅若諸
候戮死期二年

石氏曰辰星逆行於太微中反出左右掖門者有逆
謀天子有命將征伐之事一曰大赦可以解其患
也

按宋天文志曰孝桓永壽元年七月己未辰星入
太微中八日去出左掖門是歲洛水溢至津陽

門南大水

按宋書天文志曰晉永寧元年七月辰星入太微
初齊王固定京都國留輔政遂專權無君是月成
都王因河間王長沙王又討之固又交戰攻焚宮
闕固兵敗夷滅又殺其兄上將軍寔以下二十餘
人大安二年成都攻長沙于是公私飢困百姓力
屈也

辰星犯黃帝座四十五

石氏曰辰星犯黃帝座政易王天下亂存亡半

辰星犯四帝座四十六

甘氏曰辰星犯乘守四帝座天下亡又曰臣謀主去之一尺事不成

辰星犯屏星四十七

在奎下

甘氏曰辰星犯守屏星君臣失礼下謀上

辰星犯即位四十八

甘氏曰辰星犯守即位輔臣有謀左右宿衛者為亂王者宜備之

大唐開元占經卷之第五十八卷終

大唐開元占經卷第五十九卷

辰星占七

辰星犯石氏外官一

辰星犯庫樓一

郝萌曰辰星入庫樓以水起兵亦曰大水

荊州占曰辰星入天庫鉄鉞用大臣誅

辰星犯南門二

石氏曰辰星犯守南門遑吏兵起若道路不通

辰星犯平星三

石氏曰辰星犯平星凶

甘氏曰辰星犯守平星執政臣憂若有罪誅者期年

辰星犯騎官四

甘氏曰辰星犯守騎官有兵起馬多發若多死

辰星犯積卒五

石氏曰辰星入積卒若守之兵大起士卒大行若多

死期三年

玄冥占曰辰星犯積卒主失位天下亂兵大起期百

大八十日

辰星犯龜星六

海中占曰辰星犯守龜星天下有水旱之災守陽即

旱守陰即水

辰星犯傳說七

石氏曰辰星犯守傳說王者簡宗廟廢五祀後宮凶
一曰有絕嗣君期不出一年

辰星犯魚星八

石氏曰辰星犯魚星居其陽大旱居其陰大水

甘氏曰辰星犯魚星魚鹽貴魚行人道五谷貴大飢

辰星犯杵星九

海中占曰辰星入守犯杵星天下有急發粟期年內

辰星犯鯨星十

黃帝占曰辰星守鯨星有白衣之會

巫氏曰辰星守陽則旱守陰則水一曰有大水

辰星犯九坎十一

石氏曰辰星守九坎天下旱名水不流五穀不登人

民大飢一曰之陽大旱之陰有水民流亡

石氏曰犯守九坎凶

辰星犯敗曰十二

石氏曰犯守敗曰除舊更新民不安其室失其釜餽
若流移去其鄉有憂

辰星犯羽林十三

郝萌曰辰星入羽林主有反臣中兵

巫氏曰辰星入羽林天下兵起四夷入國人主憂一
曰其國以水為憂

荊州占曰熒惑與辰星俱入天軍凶君有水災

郝萌曰犯守天陣為兵起有破軍死將

海中占曰辰星入犯守羽林有兵起若逆行变色成
勾已天下大兵閼梁不通不出其年

辰星犯北落師門十四

石氏曰辰星入犯守北落師門為兵大合女子兵起
若與北落相貫抵觸光芒相及有兵大戰于野主
破軍殺將積屍流血不可當也期百八十日遠若
一年

甘氏曰辰星入守北落銛鎖國大臣有誅期不出年

辰星犯土司空十五

奎宿下一星

海中占曰辰星守土司空其國以土起兵若有土工
之事天下旱

辰星犯天倉十六

齊伯曰辰星守天倉諸侯有發粟之事有兵起星若
當門守之將受命不為主用

荆州占曰辰星入天倉中主財寶出人主憂亂臣在
內天下有兵而倉庫戶俱閉主人勝客事不成期
二十日中而發

黃帝曰辰星守天倉大水

都萌曰辰星入守天倉為粟發有轉粟之令
荆州占曰辰星守天倉天下飢倉粟出

辰星犯天囷十七

石氏曰辰星入天囷天下兵起囷倉儲積之物皆發
用一曰御物多有出者庫藏空虛期二年

辰星犯天廩十八

石氏曰辰星犯天廩天下亂粟散出一曰天下大飢
辰星犯天苑十九

石氏曰辰星入天苑牛羊禽獸多疾疫若守之二十

日天下兵起馬多死其國憂

辰星犯參旗二十

海中占曰辰星守參旗兵大起弓弩用士將出行一

曰弓矢貴

辰星犯玉井二十一

黃帝占曰辰星入玉井為強國失地其出之為強國
得地

巫氏曰辰星入玉井國有大水憂若以水為敗水物
不成期不出年

辰星犯屏星二十二

參南二星

甘氏曰辰星入守屏星諸侯有謀若大臣有戮死者
甘氏曰入天屏為大臣戮若為疾疫

辰星犯廁星二十三

黃帝占曰辰星入守廁星為大臣有誅戮者

甄曜度曰辰星入守廁星天下大飢人民相食死者

大半期二年

辰星犯軍市二十四

石氏曰辰星入守軍市兵大起大將軍出若飢兵起

辰星犯野雞二十五

甘氏曰辰星入犯守野雞其國凶必有死將軍營敗
兵亡散走

辰星犯狼星二十六

石氏曰辰星入守狼星野獸死

聖治符曰辰星犯守狼星天下多姦盜有兵起其國
以水為憂

荊州曰辰星守狼星大將出其國有兵一曰死將

辰星犯孤星二十七

荆州曰辰星守弧星大將有千里之行國政亂貴人
多死兵大起多盜賊以入日占其國

郝萌曰辰星犯守弧星米大貴人飢有兵戰馬有驚
辰星犯天稷二十八

海中占曰辰星犯守天稷主大旱五穀不登大飢荒
一曰五谷散出

辰星犯甘氏中官二

辰星犯四輔一

荆州曰辰星犯乘守四輔星君臣失禮輔臣有誅

辰星犯平道二

甘氏曰辰星入守平道天下兵亂

辰星犯酒旗三

荆州曰辰星守酒旗天下大舖有因酒傷害財物者
天子有賜爵者及酒食庶物錫以宗室

辰星犯天高四

郝萌曰辰星舍入天高有奇令

辰星犯積尸五

石氏曰辰星守積尸大人當之

辰星犯天潢六

黃帝曰辰星入天潢中若中犯乘守皆大兵起天下

大擾亂易政一曰貴人死治道不通期二十日

郝萌曰辰星失度留守犯天潢者主大水至五穀不

成水災為害若以井為害以日入占其國期百二

十日內

辰星犯咸池七

郝萌曰辰星入咸池為有迷惑人主者

荊州占曰辰星入犯咸池天下大亂人君死易政以

入日占其國

甘氏曰辰星入犯咸池有兵喪亢旱且有水水道不

通貴人死以入日占國

石氏曰辰星犯咸池天子且為敗失忠臣天下亂易

政人主惡之

文耀鉤曰大水

郝萌曰大人憂若出粟之有救期百二十日內

辰星犯天街八

郝萌曰辰星不從天街者為政令不行不出其年有

兵當天街者為諸侯自立為王一日大水若留止
逆行天街中為兵革起

石氏曰辰星犯守天街徘徊亂行主弱臣強道路隔
絕天下不通

辰星犯甘氏外官三

辰星^犯八魁星一

荆州曰辰星犯守八魁兵大起

辰星犯鈇鉞二

荆州占曰辰星犯守鈇鉞兵起天下有妄為奸謀之

事臣下叛主

黃帝曰辰星中犯乘守斧鉞為大臣誅

辰星犯芻蕘三

黃帝曰辰星入犯芻蕘中主財寶出亂臣在內

辰星犯九州殊域四

荆州曰辰星守九州殊口九州兵起

辰星犯軍井五

荆州占曰辰星入軍井三日以上其歲大水

辰星犯水府六

荆州占曰辰星守水府臣謀主入之水流入邑

辰星犯天狗七

荆州曰辰星入天狗北夷大飢未歸隣國多土工又

曰為兵謀一曰大飢人相食

辰星犯天廟八

黃帝占曰辰星入天廟或守之為宗廟有事為凶憂

荆州占曰入之有廟殘之事吏不去則死

辰星犯巫咸中外官四

辰星犯土司空一

在軫南四星

荆州曰辰星入守土司空有土穰之事曰守之有兵

辰星犯鍵閉二

郝萌曰辰星犯秉鍵閉大臣有謀天子不尊事王者

不宜出宮下殿有匿兵於宗廟中者

辰星犯天淵三

荆州曰辰星守天淵海水出江河溢海魚出波流

辰星犯鉄鎖四

荆州占曰辰星犯鉄鎖五日以上臣有謀者

郝萌曰辰星犯守鉄鎖為用一曰兵將有憂

辰星犯天廐五

荆州曰辰星入天廐之十日以上廐馬有食變
郝萌曰守之三十日騎馬出

黃帝占曰辰星守天廐為馬災之事人主以馬為憂
不則為疾

大唐開元占經卷第五十九卷終

大唐開元占經卷第六十卷

東方七宿占一

角一

春秋緯曰列宿二十八是日月五星之所由吉凶兆
之要處也故石紳薄讚皆始於角而終於軫今如
舊次東方七神之宿為少陽揖提建節清華汁流
蒼帝靈威仰輒助所因乘也

角二星天關也其間天門也其內天庭也故黃道
經其中日月五星之所行也角主兵一曰維首一

曰天陳一曰天相左角為天田為嶽為理主刑南
三度曰太陽道右角為尉為將主天庭北三度曰
太陰道蓋天之三門猶房之四表也萬理之所由
禍福之源始也故三光軌道從之則吉干僻抵觸
則凶也

石氏曰角二星十二度

劉向洪範傳曰與古度同度距左角先去極九十一

度

在黃道外度

金星也

巫咸占同

春夏為水秋冬

天為金兩角之間是中道鄭之分野角一名天田一

名天根右角為尉左角為嶽角者天之府庭也天
門者左右角之間天道之所治也陽氣之所外也
臣之象也右角為天庭左角為天田又曰角亢秋
嶽角為龍角

二十八宿山經曰角山與亢山相連在韓金門山中
山中有憂變則星應於土星若有變則山應于下
角亢星神常居其上君臣和同山星無異麒麟鳳
凰朱雀醴泉四時降矣

黃帝占曰兩角星明王道大治其星微小不明王道

失政輔臣不言角星左蒼右黃正色也吉其色白也凶王者大行百八十日災應遠不出一年二年角星明而潤澤朝臣有次第兩角微小而不明天下有兵得令不行亂錯角垂芒又曰角星明大王道太平角為天將之官兩角之間三光之道也南三度太陽道北三度太陰道日月五星出入中道天下太平出陽多旱出陰多雨有陰謀乘左角法官謀南三尺微理多寃兩角不明天下有兵右角赤明天下有兵左角赤明治獄平日月五星天

之三明也皆從角所行行陽道其陽不從其行歲大水有兵二十八宿皆同角星明大潤澤賢者在朝廷蒼帝得行天門為開角主為兵動內五寸國中兵起動外五寸邊兵起左右動搖非其常人主憂臣弒君各以日占

亢 二

石氏曰亢四星九度

在黃道內五度半

春夏為火秋

冬為水

五星占曰亢火也亢北四尺是中道鄭之分野亢者

廟也亢者天帝廟宮亢為天府海中占曰亢三光也三公之事下者地也中央者丞相也主享祠一曰亢名府疏庭一名天庭主火典疾故亢動多疾亢星齊明宗廟有敬朝廷有序星不明則輔臣失次君令不行亢星不明王者內亂星若明大輔臣納忠天下平安亢星明大民無疾疫亢星垂芒為亂錯亢星離落位直天子動旂而卒戰於野亢為疾國有疾占在亢

秋分視亢不見五穀盡傷糴貴二倍亢為朝廷總領四海故置平星以疏理亢為朝廷布政宮

氏三

石氏曰氏四星十六度

古十七度

距西南星先至去

極九十四度

在黃道內一度

春夏為金秋冬為水

五星入宿占氏木也氏南二尺是中道宋之分野氏天子行宮也一名天廟一名天府前二大星主嫡妃后後二星主媵妾前星皇后貴族府其星欲明臣奉法度邦君安寧當大而小其位臣失勢其

星動其臣出

海圖曰氐宿乃宮后女之貴府出入露寢之宿星發
即有土工事氐為天庭又主疾疫

二十八宿山經曰氐山在鄭白馬山東氐星神常
居其上氐星明大則民無出門之遙馬無汗勞

氐主徭役氐動者徭役起氐為宿露寢所止故置
庫樓以捍咎氐為宿宮休解房

房四

石氏曰房四星鈞鈐二星五度

古七度

距房西南第

二星去極一百八度

在黃道外一度弱

春夏為水

秋冬為火又曰房土星也房兩辰之間是中道宋

之分野房為天府一曰天馬或曰天駟一名天旗

一名天廐一名天市一名天街一名天燕一名天

倉一名天表一名天龍房為天子明堂王者歲始

布政之堂房為天馬主車駕房為四表表者桀也

石氏曰天道四表之間三光之正路人天之定位也

天廟者房也房者闕也日月之行常出其中不出

其中為不道不道者政令不行

石氏曰房主宿街南二星君位也北二星夫人之位也房主財寶房動外財寶出動內財寶入

二十八宿山經曰房山在宋地與心山相連房心星神常居其上房心二宿搖動則房心之山崩国有走主填星色黑出入七十日以上房心山崩下伐上也其星不明則山有音聲人民擾擾五木貴房心星闇黑火星守之二百日房心則音聲萬民相驚大水魚鹽五木貴百姓愁若星色赤赤地千里房心不見帝無教房星欲明群臣奉忠天下道興

鉤鈐天子御也鉤鈐相去踈者天下且赦相去數者天子急多暴令閉閉鉤鈐去房不駕鉤鈐離房法令王者主孝則鉤鈐明昆弟有親親之思則鉤鈐不離房鉤鈐去房欲其近也近則天下同心遠則天下不和房主開閉以其蓄藏之所申也

心五

石氏曰心三星五度

古十二度

距前第二星去極一

百八度半

在黃道外三度半

春夏為木秋冬為水

又曰心星火也北四尺是中道宋之分野心為天

相一名大辰一名大火一名天司空心者宣氣也
心為大丞相

石氏曰心三星帝座大星者天子也心者木中火故
其色赤為天闕梁心三星星當曲天下安直則天
子失計心為明堂中大星天王佐前後小星子屬
以開得發陽不欲直直王失勢期九十日地動主
客天子以弱亡

爾雅曰大火謂之大辰房心尾也主天下之賞罰主
天下之急故天下變動則心星見不祥明堂傍多

小星天子憂弱子未處天子威令不出闕天下垂
爭無忌伯八九心星直心星变色黑大人有憂民
血流心星滅則主泣血后奔逃強國起心星消注
河為害期九年天子滅心星動國有急心星動搖
若芒角者天子有大兵心星離移有流民心前後
星皆光明赤黃者太子庶子各有賜賀之事心三
星明大則天下同慶響風被澤

太史公曰心三星上星太子星星不明太子不得代
下星庶子星星明庶子代後星動者國有憂

尾六

石氏曰尾九星十八度

古九度

距東第二星先至去

極百二十四度

在黃道外十五度少

春夏為火秋

冬為水又曰水星尾北十尺是中道燕之分野尾

一名后族一名天廁一名天狗一名天司空一名

天雞尾者後宮之場也后妃之府也上第一星后

也第三星傍一星相去一寸名神宮解衣之內室

說虞之堂一曰天矢一曰九江尾者邊臣也又曰

通溜宮尾市也天復船也尾第一星嫡妃也第三

星夫人也次五星嬪妾星欲均明大小相承則後

宮有序多子孫

二十八宿山經曰尾山與箕山相連在燕九都山西

尾箕星神常居其上尾主水人主君臣尾動者君

臣不和必有事尾天子之九子也騰躍拆絕不居

其所天下大亂君臣不和尾星明大皇后有喜不

明微細皇后有憂及疫尾星踈遠皇后失勢尾星

明五穀大熟則民不煩擾其星不明五谷大傷尾

星離徙而直皇后失勢其星就聚有大水君臣不

和則占於尾

箕

石氏曰箕四星十一度

古十度又十一度四分之一

距西北星先至去極百一十八度

在黃道外五度

弱春夏為金秋冬為土又曰金星也箕北六尺是

中道也燕之分野箕星一名風星月宿之必大風
箕星為風東北之星也一名天陣一名孤星主孤
貉一名風口一名天后也為天貉府廷天雞也主
時金星也箕斗天子之冠服也並后宮別府也二

十七世婦八十一御女妾別宮四者女相也故尾

箕主百二十妃尾者蒼龍之尾也直寅主八風之

始箕后星動風揚箕主致客箕庫也一曰天司空

箕為寄客

爾雅曰析木謂之津箕斗之間漢津也一曰天市主

八風箕為郡箕主蠻夷箕動者蠻夷有使來箕

舌一星芒動則大風不出三日箕舌動如致風揚

沙箕星居河邊歲大惡若中河而居天下食人

易緯是類謀曰太山失金鷄西岳亡玉羊箕星明人

即國無諛賊箕中少星則糴貴星者人之精也故
天下安樂即星衆不安即星少箕星離徙天下大
不安民移徙其處星不明天下五谷傷其星明谷
大熟其就聚細微天下憂食箕中欲其多星
萬氏曰尾箕主後宮妃后府故置傳說衍子孫

大唐開元占經卷第六十終

書